



嘉慶戊寅年鑄

蘭雪集

藏脩齋藏板





昔魏文論文以氣為主別舍人謂辭之

待骨如體之

樹骸文未有

氣骨不立而

可以言文者世之學者初能

有俊傑

之才超邁之識律章剽句竊蹈常襲

故而莫能自振徒見其委靡嬗要而已

蘭雪集

序

矣故氣骨者文章之本也雖然非可以恃

質而任焉也縱之欲其雄駁揚之欲其

高明而要其馳驟變化一歸自然而後

免於鹵莽臧裂之弊蓋斂氣於骨而精

理內涵運骨於氣而神采外煥爾雅深

厚紀讀書多而用心邃者不能也文而易  
言乎哉慈谿柯生振嶽勤於文者也余  
行部寧波得其制舉藝善之拔置前列  
既生以其詩古文就質余觀其文峭拔道  
上雅傳誌記序未能悉合義法而史論

諸篇縱橫踈厲離絕衆致以視世之委靡  
粹要以為文者蓋迥不相侔矣抑又思  
之生固勤於文者也勤於文而以所業  
進質固蘄至於古之立言者蘄至於古  
之立言者則養其氣而集義必精懼其



淺而儻也鍊於骨而析辭必典懼其猥而雜也太史公曰好學深思心知其言又曰擇言九雅由此而求之生其將自此進矣若夫詩之興文固異出而同原者倘能即前所謂致力於文之說以致力於詩其亦不甚相遠也已浙江督學侯者山陽汪廷珍書



六經以來若莊騷若史漢若唐宋諸大家皆古  
文正宗也吾人童而習之至老而未闕其涯岸者  
比之皆是夫讀古而不能與古為徒病在趨時以  
求遇假制藝為捷徑將以尋章摘句弋取功名  
及其困於場屋屢躓不伸挫衄之師於邑無色  
遇既窮而名亦泯欲求兩得卒致兩失宜古作家之  
罕覲於今哉吾友柯訥齋同遊馮鐵香夫子之門

蘭雪集

序

一

力學好古矯然殊衆故吾畏友也余遊京都久之  
歲辛酉疾瘳歸里訥益方設教鄉閭見其著述詣  
力加深而攻苦與英年無以異嗟乎以訥齋之所學  
而不見遇於時數十年來坎坷潦倒亦既窮且老矣  
願其負志自高不肯浮沈俯仰益肆力於詩古文  
辭挾其芳潔軼塵之氣骨貫串六經子史與唐  
宋諸大家以立言而弭其集曰蘭雪凡若干卷



今春山陽汪瑟庵先生案試浙東繕本呈閱為  
之擊節稱卓識不去口語諸生曰古調不彈久矣  
况更多前人所未發乎携之署中作序寄給蓋  
將為剗地也噫訥齋曲高和寡得一知己可  
以不恨由是而苦心孤詣相得益彰知之寸心俟  
之來者竒文共欣賞當與韓柳歐蘇傳之千百  
世又豈心瑟庵先生一人知之而已哉夫有志之

蘭雪集

序

二

士立名於世恒不以富貴貧賤動於中而豐此  
嗇彼必有一得今訥齋識量才氣與古為徒雖  
精舉子業不喜詭隨弋獲而以古文為時文與  
世相左其遇嗇矣烏在必豐其名乎曰一時之  
名不可必而千載之名有不泯者何遇之足計焉

嘉慶二十一年丙子冬十月朔日同學弟張廷輝  
題於坳舟山房



蘭雪集目次

卷一

五言古詩

七言古詩

卷二

五言律詩

七言律詩

卷三

五言絕句

七言絕句

蘭雪集

目次

五言排律

附帖括十二首

卷四

正名論

追王非改葬論

春秋有義無例論


叔仲惠伯論

孟獻子論

楚公子比許世子止論

夾谷之會論

子文子西論



一  
藏修齋



老子論

張耳陳餘論

巫蠱論

父子同狴論

王猛論

王魏不死建成之難論

帝在房州論

東坡論

王安石秦檜論

張魏公論

蘭雪集

目次

張魏公論

下

楊慈湖論

莊烈帝論

莊烈帝論

下

明宦者論

明宦者論

下

卷五

詩影

書道德經後

書三國志後

書李鄴侯傳後

書日知錄殷紂之所以亡後

書南雷文約張仁庵墓誌銘後

書南雷文約朱天麟墓誌銘後

書南雷文約魏子一墓誌銘後

書橫山集董省齋哀辭後

書歸愚文鈔書鄭鄴獄始末後

書陳古民刪後文集後

書陳古民四書質疑後

書陳古民經義質疑後

蘭雪集

目次

書陳古民一齋雜著後

雜說

卷六

遊香山記

竹半閣詩話記

漱泉草堂記

擬鮎埼亭記

李東序先生祀田記

補竹圖記

余氏宗祠記

三

藏修齋



對紫圖記

蘭雪圖記

節孝祠碑記

雪江歸權圖序

焚餘詩草序

聞見集後序

乘查圖序

采芝圖序

董孺人六十壽序

魏孺人七十壽序

蘭雪集

目次

孔孺人六十壽序

董敬亭六十壽序

養拙軒詩草序

南畝晚歸圖序

同音集序

醉雲樓詩草序

贈張氲齋序

胡童子課序

卷七

與襄石窗書

與王眉峯書

與胡曉漁書

又

答孫梅坨書

答張萼樓書

地蔭說

祭先考文

祭胡曉漁文

祭先考文

先考行狀

蘭雪集

目次

節孝張安人墓誌銘

袁公檢齋墓誌銘

董公進聲暨葉安人遷葬墓誌銘

余君尹東墓誌銘

卷八

董公五玉家傳

董平一先生家傳

顧公望壇家傳

曹公舜華家傳

董公世任家傳

五

藏修齋



胡公綏堂家傳

朱節婦傳

陳節婦傳

孫節婦傳

陳節婦傳

翁君貞一家傳

沈鄭二生合傳

董公棟林家傳

葉恭人家傳

葉澹園家傳

蘭雪集

目次

孫公心泉家傳

董蒞淑家傳

王生介和家傳

張君萼樓生傳

姚節婦生傳

三節婦傳略

王翁善事略

胡君雨麓事略

貞節張孺人像贊

養拙軒跋

人母是亦軒跋

半閒書屋跋

虛白軒跋

附上汪宗師書

夫子是集向有及門鈔本見者多珍異之江南管靜山先生素未謀面直稱爲唐宋人手筆丙子春節繕詩文六卷呈正

學憲汪大宗師大宗師歎賞不置特冠以序較初稿止十之七今夫子稍自增補并近作如千篇爲八卷凡

蘭雪集

目次

七 藏修齋

與人代庖諸作概不錄年來遠近傳寫咸以不獲見全集爲憾約乃商諸同門胡宗周景伊黼朝宰清余渭應在璣董養和伯森望雲張冀階楊守正諸君釀金付梓以廣其傳而夫子知交中孫賡和先生暨袁炯章蔚如懷珍董汝霖諸先生亦均以資助戊寅春約齋稿就蘇郡開版則有周君心學與董校對之役及冬而告竣焉吾夫子立言不朽既經

當代宗工鑒定小子莫贊一詞第誌是集發刊之原委云爾嘉慶戊寅仲冬受業門人王約謹識

蘭雪集目次終



蘭雪集卷一上

慈谿

柯振嶽

霽青

古意

大義貴久要所爭在出處君子愛其身守之如處女殷殷  
千金聘默默情不許易合者易離恩怨誰與語

朝起

朝起倚南窗萬物何醒目花草相鮮新好鳥時追逐會非  
霜雪辰誰珍松與竹四顧心茫然不知黃梁熟

雜詠

寒暑變氣候且暮成古今蟬蛸與蟋蟀安知霜雪侵陶公

蘭雪集

卷一上

一

藏修齋

一世傑曰予惜分陰

寧背孔孟言不敢違傳註此語雖過激足祛俗士痼古來  
賢述聖一閒待神悟及其筆之書所見復非故忠臣與佞  
臣紛紛墮雲霧

雨氣出山腰風聲倒澗壑遠近人語譁翹首看龍躍黑白  
萬重雲想像爪拏攫目眩更未已晴空雷陡作

短歌行

涇渭分須臾榮辱判千古絕跡雲霄端俯視盡塵土溪水  
年年流山鳥日日飛鳥飛時復返溪流去不歸人生忽如  
寄有酒須盡醉既醉見真吾偃仰小天地天地自優游行

樂及時酬今日草頭露當年王與侯

詠史

臣曰晉孤臣士爲晉徵士大義揭日星高風貫青史桃源  
記一篇采薇歌竝峙千載繼者誰疊山而已矣

觀余松石

檀

窮且益堅章有感

天地一晝夜百年非不久適意恣目前未死骨先朽富貴  
終無情不能徇身後鬱鬱松柏姿凜凜霜雪藪霜雪自有  
威松柏自有守烈士安固窮見踵復見肘當其慷慨時壯  
氣貫牛斗側身望四海孤影局高厚不信方寸心寬然羅  
萬有生爲韋布士死爲聖賢耦

蘭雪集

卷一上

二

藏修齋

卽景

南山多遠風吹我階前樹蛛網挂落花宿蝶夢未寤豈無  
一枝安春光非復故

感鯤化爲鵬事漫賦

長風起北海水高千百尺鯤魚揚鬣來鱗介盡辟易紫瀾  
日邊翻雪山天半積神靈不可思變化在旦夕圖南多遠  
懷橫空垂巨翻扶搖九萬里俯仰宇宙窄鵬鷗竄下風況  
乃羣鷗嚇昔爲水族雄今爲羽族伯青冥誰能窮悠然適  
其適

寄松石



登高觀八極天地何茫茫黃雲千萬里遊子在何方昔者  
別我時曰歲一還鄉節序忽已周魚書遠寄將上言行路  
難下言懷高堂高堂幸善飯歸期竟無常北風吹落日黯  
黯見白楊草木無故色鴻雁盡南翔此景最蕭瑟況乃客  
中嘗我亦同病者中心悽以傷行當省親去念子不能忘

羅江行

大義不可忘死生安足計任子復父仇其志亦云銳所惜  
身逋逃罪大于法制吾聞彼之父與仇者角勢雞肋飽老  
拳風雨摧蘭蕙哀哀膝下孤約略六七歲有姊適前邨依  
之以爲翳生者莫言冤死者孰爲厲蓄極久必洩怨毒疾

蘭雪集

卷一上

三

藏修齋

於颯弱冠悉源流憤發目裂背辭姊詭遠行幽獨早自誓  
日午赴仇家人衆慮肘掣匿怨杯酒閒怡然無芥蒂黃昏  
童氏火云是仇之壻扶仗向前行刃起須臾殪反身給老  
婦翁行中道蹶相隨半里許揮刀深入髻片刻殺二人其  
子夢初綴給之復如前膽大心偏細陰風慘四野星月盡  
揜蔽騷然七首鳴人鬼較分際其子舉手疾斷指落衣袂  
里人跡鬪聲任子浮雲逝報仇雖曰勇一家何罪戾況偷  
片刻生至今姊囚繫法網終莫逃身名空淪替曠懷王世  
明卓哉莫能繼

王世明殺父仇詣獄有司  
欲生之義不食死見明史

讀陶詩



天地有元氣而無造作痕作詩尚雕琢真意竟何存陶公  
五字詩獨得風雅源高妙出自然言外復有言

讀國風

唐棣解未思素絢識禮後有意無意閒妙悟難授受旁通  
信可參時世詎容苟雅頌尚鋪張義顯不憂部國風主誦  
諫比興無科曰自非大小序聖人亦束手毛鄭及孔疏仰  
若山與斗鄭樵生也晚私智力攻培一唱而百和塗澤雜  
妍醜但涉男女詞概出淫奔口安得起詩人一一爲之剖

遊仙

并序

郭景純遊仙詩鍾記室謂少列仙趣世真有仙乎遊之

蘭雪集

卷一上

四

藏修齋

云爾且徐福唾餘何可再拾六時小暇戲成八首

高山不可仰半在雲霧中上有王子喬千歲如兒童手弄  
五色芝身倚百尺桐異香偶然洩散爲下方風

瑤池一日宴塵世三千年借問滄海過幾度變桑田白雲  
從東來乘之下九天秦皇與漢武紛紛求神仙蓬萊在何  
所年年望眼穿

令威能化鶴鶴豈化令威華表歸來日嗟嗟人民非所見  
何不達心死乃忘機

靈臺不方寸萬慮盡包并身外事難捨況乃遺世情悠悠  
王子晉天下草芥輕青天一白鶴千載聞吹笙



弱水三千里飄然一葦杭圓嶠與方丈宮闕遙相望坐中  
黃眉翁指放五色光種棗大於瓜持贈甘且香須臾黃梁  
熟遽然一蒙莊仙人豈誑我好夢非渺茫

一局碁未終已過百年餘一日十二時人世何徐徐洪厓  
與浮邱甲子渺難書古今若朝夕不朽當何如

人跡不到處有草蕃然生食之長不死六合任縱橫當世  
何不采前人莫知程青鳥來瑤池云是阿母迎阿母何如  
人崆峒問廣成

野桃徧山開風光忽已春清溪環之流漁人得其津眼見  
神仙子一一如凡塵臨別相謂曰不足語外人

蘭雪集

卷一上

五

藏修齋

古意贈松石

我有琴一張撫之幾忘餐知音誠非易揮絃良獨難大海  
魚龍嘯高風駕紫瀾林木晝晦暝猿鳥聲摧殘自非曠士  
懷古調誰能彈先生移我情喟然起長歎

我有琴一張古節又古音持以贈君子絃絃見素心浮雲  
天際起別鶴赴喬林高山杳無極流水渺無津離合亦何  
常加餐幸自珍太息千載下誰知吾兩人

竹林七賢詠

并序

黜王戎懲貪鄙也呂安風裁矯矯用附於末

嵇中散

中散偉丈夫可剛不可柔抗言薄湯武巍然采薇儔首陽  
在何所魚鳥共悠悠

劉參軍

醉鄉有大人超然天地外萬期等須臾矢口皆天籟豈以  
酒爲命醒者多賈害

阮步兵

魏晉鼎革日朝野皆窮途阮公哭之慟猖狂以自汗傷哉  
詠懷詩隱憂無日無

山吏部

若有一个臣求賢以爲國太息誤蒼生王衍無人識一醉

蘭雪集

卷一上

六

藏修齋

玉山墮風流杳難測

阮始平

仲容有至性見者爲心醉嘯歌始平郡才大姑小試國恩  
不可忘誰謂明主棄

向侍中

莊生不復作南華誰與陳一朝暢元氣妙悟已入神如何  
箕山志未達堯舜心

呂仲悌

千里忽命駕叔夜在何方四海一知己憂樂兩難忘名與  
李杜齊死非孟博傷



漁溪感舊 并序

陳浩然自誦其得意句水回青山幄月鈞寒潭魚云夜  
宿漁溪書屋作此王謝庭別業丁未戊申與韓雙湖方  
我洲胡曉漁方竹南蘭言社會文所也今風景依然同  
人星散感賦

良會不可再聚散竟何如憶昔蘭言社輞川角經畬或執  
卷長吟或奮筆疾書或靜觀衆妙或獨立階除有奇必冥  
索得意輒自譽日午脫稿畢光怪奪瓊瑤傳觀正擊節進  
酒雜肴蔬拇戰期必勝意氣得所於丈夫多慷慨至此一  
發舒清風從南來飄飄吹我裾出望千竿竹參差若凌虛  
蘭雪集 卷一 上 七 藏修齋

寄余澄川 濂

其下有曲澗北注東紆徐水深不二尺一泓常有餘忽焉  
夕陽墜山光暗邨墟爾時月一會分手猶踟躇誰謂四年  
內年年賦索居遠者誠遠矣近者何久疏太息陳生詩能  
忘聚首初

題沈蝶齋小影 四言

草木日蕭瑟遊子懷歲暮道路阻且長何處無霜露壯志  
雖未酬安能改其素可折不可屈百鍊剛如故  
咄咄蝶齋岸然自異有酒盈樽頽然獨醉書不足學略觀  
大意脫帽露頂仰天俯地小影一卷風流未墜



述哀

親存闕侍養親歿乃哀慕疾首呼蒼天蒼天曷可訴悽悽  
蓼莪篇絮絮斷腸句誠哉鮮民生去死無多路憶昔戊戌  
春侍親守墳墓承歡兩載中菽水俯仰裕庚子親南行實  
維伯兄故爾後十二年長在荆溪住丁未親八旬兄四十  
初度兒時初入泮猶子亦婚娶堂上須眉皓膝下衣冠具  
洗腆祝壽考喜極不知懼嗚呼天不弔反覆半氣數伯兄  
殞孟秋長夜永不寤孤子弱無能逆浪誰與泝從此五寒  
暑臨老日困苦烏鳥雖微物羽成知反哺有子如無子景  
迫桑榆暮淒涼寸草心分勞理店務親曰胡敢然邯鄲徒  
蘭雪集

卷一上

八

藏修齋

失步已酉姪復夭遺腹悲嬰孺千里一身單兩寡於焉附  
親歸勢未能兒往心知忤年年冬春閒定省等僑寓壬子  
決歸計錢塘仲春渡八日至家門族黨慶再晤計入首夏  
來七旬疾若鶩哀哀虞淵日西山不稍駐父母生我時娛  
老望有素如何遜木蘭代父遠從戍父母教我時黽勉遣  
就傳如何蔚與蒿空負謝家樹壽登八十五豈必金石固  
養薄待祭豐心醉如雲霧惟親憐我愚惟親煩我顧生平  
貧賤悲重泉何處籲歲月日漸遠色笑渺難遇篋中手澤  
存猶聞再三諭

家書數十紙訓諭  
諄切皆先聖格言

彷徨讀未終浮生多自

誤悠悠百年心春秋怵霜露



行路難

至不可平者乃在方寸間炎涼異時勢所遭多險艱睚眦  
一抵觸機械若循環風波莫如海崎嶇莫如山海深尚可  
渡山高尚可攀誰謂往來地隱然阻天關天關信難接自  
反無踰閑

舟中作

疾雷破山來百川皆震盪舟子有餘閒浦口停蘭漿欲訪  
山中人遠近松千丈

偶述

人生當千古何懷百年憂金石有銷歇形骸豈久留聖賢  
蘭雪集

卷一上

九

藏修齋

寄懷余松石

孟冬寒洊至百卉遞蕭索遙遙江上鴻中夜風霜託嗟君  
別經年求伸等尺蠖路遠意彌長

松石輒轉浦城旅況倍難言矣

家鄉止

約略人事固難齊天道竟何若四十得一子暮春悲零落  
次女甫六齡季秋風掃萍馳驅甌閩間隻影度廣莫萱堂  
七十四老景漸非昨回首叫脊令九原不可作六月訂瓜  
期十月茫無著躊躇行路難胡為爽夙約願我才識疏無  
計同憂樂極目關山巔浮雲淡漠漠梅花一枝春天地盡

開廓

偶成

鵲啣鴉啣啞啞蒼天高浮雲白望遠不當歸王孫何久客

卽景

日落暑未散微風生小園行行循曲徑舉目無罨頰蒼松  
日以古新竹亦已蕃雜沓林影亂地積餘霞痕宿鳥飛復  
集中有真意存偶然發長嘯不覺月黃昏

讀伯夷傳 三言

爲功臣爲義士東北海路萬里誅一夫聖天子采薇歌驚  
天耳春不歸百草死六七王荒烟裏粟可食爾何恥一滴  
淚乾坤毀

蘭雪集

卷一 上

十 藏修齋

葛在畦胡曉漁示竺峯莽倡和詩次韻却寄

高詠竺峯遊春風雜秋雨孔門如用詩豈止坐廊廡竺峯  
雖云幽培塿安足數生面自君開氣爲山靈吐敝廬止數  
椽南山日當戶突兀翠萬重閒靜雲千縷元氣亙古今誰  
爲賓與主引壺聊自酌曠蕩豁天宇擬作驚人句頗畏搜  
腸苦臨風懷謝朓非君孰能伍

題董敬亭

紹達

松含草堂玩芝圖

二首

喬松含晚翠蔭茲百尺堂豈惟林泉勝常懷先澤長

亭中  
供奉

人半養  
先生像

乙卯之仲夏靈芝產其旁此物古稱瑞爲君發異

香



我來歲戊午春日正遲遲出示題贈作欲擬拙言辭謝庭  
子弟佳芝草乃見奇鄭重語諸郎自樹當及時

東橋步月分寄敬亭曉漁諸公

薄暮暑氣消明月生戶牖招涼松舍堂偕行得二友門前  
潮暗長一灣從左右相將步東橋漁網張橋口生平濠梁  
意不在莊惠後況逢素心人清興各自負敬亭曰快哉呼  
童歸取酒席地影參差引盃落星斗遠山千萬重芰荷三  
兩畝超超心目閒曠蕩空衆有誰謂不須臾露溼葛衣久  
過客適何來一笑遽揮手

題陳地山謙雪江歸櫂圖

蘭雪集

卷一上

十一 藏修齋

憶余庚戌冬省親陽羨里風雪渡浙江滿眼異鄉子君作  
歸櫂圖亦在風雪裏借問同舟誰曰維喬與梓天倫有至  
樂貧富安足齒依依老父旁清景供遙指繪事紀西泠此  
日情何似定省不可曠遠遊勢難已客中數寒暑回首疾  
於駛太息思歸操昔賢良有以

讀董江都傳

勳業過一時道義開千古天生董江都卓哉孔孟輔漢承  
秦火後黃老紛難數家令導申韓平津等賈豎不知功利  
非六經皆灰土煌煌天人策霹靂驚聳聳上下千百年在  
唐惟韓愈程朱宋大儒亦云踵其武借問列臯夔何似參



題董生方山聽松小影

滿地碧雲翻風落長松頂松聲聽未已茶香來石鼎昔在  
草堂時此境吾曾竝

戊午迄庚申每夏移館松含草堂

披圖感歲華寄興

羨清迥誰與種松者俯仰堪深省

生大父半養先生手植去今約三十餘年

喜晤王雪汀

石渠

卽用雪汀讀書赭山僧舍韻

微軀七尺耳靈臺宏以敞入世縱多歧名利難兼兩斤鷄  
笑鯤鵬天公爲鼓掌昔作闕苑遊今受塵途賞巨廬疊雲  
屏錦水濯簾幌箇中得真吾泡影任簸蕩盟心俗緣疏矢  
口天籟爽一擊缺唾壺白露暗林莽

蘭雪集

卷一 上

十三

藏修齋

訪雪汀不遇疊前韻

四海未覺寬一軒殊已敞俯仰天地閒炯炯青瞳兩幾度  
誦君詩掀髯復抵掌古調非不佳今人誰爲賞竭來訪朝  
川清風動書幌堂有素心人秋光增淡蕩東鄰我故友縱  
飲情豪爽

過飲軼倫同學

不逢蓋次公自笑酒狂莽

題王五樹

字清

自立小照

三言

俯而地仰而天吾中處非藐焉前千古後萬年吾自立何  
歉然孰圖此日拳拳沂公志祖生鞭

答友 二首

弱冠好吟詠意到筆急追豈無自得處蚯蚓雜蛟螭羣公



惠好音倡和神忘疲千奇象外逐一斑管中窺手抄等拱  
壁枕祕勝腹笥聲氣素所薄性情良在茲歲月忽已久勝  
會異昔時感舊半鬼籙懷人各天涯渺渺暮雲歎落落晨  
星悲吾道終不孤軒然復揚眉屈指眼中人之子多新詩  
梧桐產龍門直上高百尺不藉枝葉榮時有霜雪色良工  
裁作琴撫絃驚創獲或發鸞鳳吟或怨鴻鵠別或羨婦傷  
春或壯士赴敵或流水高山或驚濤怒汐古調久莫彈妙  
手恣冥索冷冷七條絃笙簧天壤隔我亦操縵者謬許知  
音客知音自古難感人入肝膈四座寂無聲千山萬山碧

病起寄懷張萼樓

蘭雪集

卷一上

十三

藏修齋

梅雨夜洒窻松風晨繞宅清景久飽諳病中轉蕭索服藥

不三旬撫肌鶴同瘠三旬尚如斯况乃歲九易

萼樓風疾于茲九年

言念同心人張公江海客兩足苦不仁千里起咫尺和煦

意稍舒陰溼疾倍劇豈乏杖藜扶永負謝公屐壯年赴京

華乘風展六翮橫揖將軍前

福松巖將軍待萼樓特厚

東高談學士席

寶公坦園五公

昂然偉丈夫須眉森劍戟科第雖不成縱

萼樓皆師事之

橫一何適中歲作籠禽

萼樓寄子詩五年臥病似籠禽

側目天地窄老來

作酒狂倔強過于昔

又詩何妨長病酒千盃

但作無病觀俯仰奚所

迫羣動各悠然衆妙靜中積豪情與達心相反正相益臨

風想高致往會慨陳迹一葦兩莫抗長嘯四山碧



團扇篇

團扇形似月不能爲盈虧團扇動搖風不能爲炎曦憶昔君棄捐乃在秋深時自分中道絕豈意復持攜氣候遞相嬗用舍各有宜君心無變遷天道常如斯

詠靖難事

永樂非人臣建文非人主彌縫良獨難激之母乃鹵削藩既無詞揖盜復開戶指任李景隆順逆冰炭分忠義金石伍不惜九族誅徒使一人苦經世盡如斯乾坤誰與補

詠史

吾愛陶徵士矢口皆天真飢寒不自諱奔走老風塵所志蘭雪集

卷一 上

十四

藏修齋

在節義晉代鮮等倫機雲崇岳輩詞華豈不珍讀書味順逆名教之罪人張翰其庶乎采采江東莼

王五樹五十初度

五首

少壯曾幾時須髮各非舊去年我五十今又介君壽賢關得路遲古訓銘心厚悠然釀太和俯仰足宇宙

白雲變蒼狗幻影不斯須鹿鳴懷嘉賓得食常相呼百年一旦暮君子重其軀學古苟有獲奚必青紫紆

青紫亦何有庭訓付佳兒克敦孝與友曰惟禮與詩羊角未直上豹斑庶全窺奕世詠載德不忝意在茲

紫薇發古葩爲君標丰格香襲鄴侯書蔭深揚子宅相對



淡忘言風雨數晨夕

君家對紫軒花最盛

欲知不朽心自立圖成昔

有自立小照

心事如白日宗族仰彥方但求倫紀安不恤辛苦嘗世澤  
良未艾清福亦甚長贈言仿萬一敬為侑霞觴

挽顧愛亭

銜

昔賢不復作之子抱古心力挽澆漓習良由詩書深一旦  
舍我去音容渺難尋君信無遺憾吾誰與斷金

題藥王廟假山

為山亦有真茲特妙於假橋橫石磴盤升巔攬四野空洞  
徑幽深一綫日光瀉遊人對面逢相讓窄旋馬謂東忽復  
蘭雪集

卷一上

十五

藏修齋

西豁然小亭下方池清且漣倒影涵金赭流連愴忘歸笑  
顧同心者莫作遊戲觀真賞由來寡

竺峯環其東黛秀聳其北南山千萬重對峙莫紀極牆墉  
隔絕之坐井徒太息一朝蒼翠橫驟視不敢偏數仞未云  
高飛來殊挺特邱壑胸中蟠烟嵐意外得得趣即為佳況  
乃足攀陟曠懷張南垣凌風生羽翼

詠史

曹馬志問鼎臣民心已輸孔融與嵇康才略皆甚粗謂櫻  
大姦忌此說亦近誣二子縱身存於國何有無管寧海外  
節揚彪病中軀見機而用晦事異理不殊抗顏就爵祿毋



乃吾喪吾視彼取國者雖死猶丈夫

讀禰衡虞翻傳自警

北海薦禰衡奇才推汲汲殞身鸚鵡洲一傲百禍集天道  
本惡盈卑牧恐不及況我空腹人矜氣胡弗戢

仲翔古之狂犯顏殊坦率一朝投海隅注書消白日骨體  
何取媚疏節母乃失垂老自恨深知己人無一

和周少溪

本

補衣篇原韻

維天有缺陷誰與鍊石補誦君補衣篇幅短情縷縷萬物  
不自輕飢寒焉得侮袒裼雖不完文彩炳於虎曠懷白香  
山境甘心獨苦大裘庇天下自命一何古茫茫千億身欲  
蘭雪集

卷一上

二六

藏修齋

使免終窶末俗識拘墟空言笑媚嫵豈知絮以仁方寸如  
攜取刀尺製未畢且復安環堵補衣一補天三復爲起舞  
胡晉齋贈便面上寫縣厓老梅勢甚超拔

老梅花怒生倒向縣厓挂自非君前身此景憑誰畫高姿  
飽風霜清氣凝沆瀣孰知孤且寒興寄神仙界舉世豔穠  
芳君今等草芥自命豈不高寸衷毋乃隘達士貴有我肯  
爲熱客賣余也媿清友拔俗想耿介修到待幾生相對但  
稱快

松含草堂銀杏

并序

草堂以半養先生種松名敬亭承先志列花卉幾徧近



復自山寺移銀杏兩株命其子紀以詩予遊草堂感賦  
樹木如樹人多多乃益善草堂百尺松實維先澤衍特立  
洵所欽衆芳亦不鮮敬亭善繼志蒔藝一時選梅軒蘭氣  
清梧階桂露泣竹鳴鴈來紅木末芙蓉峯餘花數難終種  
種映苔蘚銀杏產祇園邂逅與非淺稽彼平仲名吳都賦注平仲  
其實如銀杏一名銀杏憶昔以君顯野語陋齊東鴨脚可毋辨移得兩  
株歸曲徑綠陰展於時命兒曹賦詩紀事歲詩成樂意宣  
延客共綵繡試問膏梁子此情詎能免我來嘉樹林位置  
等冠冕况乃五大夫本性同剛蹇羣分物固然類聚人豈  
舛直諒與多聞相對增歡晤搜羅裕貽謀栽培傳令典載  
蘭雪集

卷一上

十七

藏修齋

詠甘棠篇千秋期勿翦

耕織圖

中國有

聖人四海皆就理仁風春臺登絃歌比戶是借問何能然  
事從衣食始維宋寶元初耕織圖垂史一夫或不耕受飢  
可立俟一女或不織禦寒復何恃飢寒兩切身豈獨民遭  
否誰以山水更按王厚齋困學紀聞仁宗寶元初圖農家  
耕織於延春閣哲宗元符間更以山水勤  
情判厥病中沐侈鵝鶩餘膏梁後官賤羅綺非無恤民心

茫茫隔萬里

聖祖暨

高宗天章前後紀艱難無逸心剴切幽風旨誰云民隱遐  
歷歷皆尺咫汗雨想蒿目機聲儼盈耳粒米與縷絲忍作  
微物視租稅亦難蠲其來辛苦矣節儉慎持盈豐穰敢遽  
喜旣富禮義興化行俗斯美農桑邦家基金鏡其逾此我  
皇黼座陳萬年長顧謨

自題小影 四言

古歟今歟吾其誰友俯仰小山局高躋厚惟松竹梅歲寒  
相守雨露滋榮冰霜絕垢勁節芳心乾坤不朽人盡如斯  
誰非吾友

聽董生 浩 彈琴

蘭雲集 卷一 上

六 藏修齋

董生何瀟灑手揮七絃琴泠泠妙難言但覺清我心箏瑟  
皆俗樂此爲太古音曲終響未寂碧天暮雲深



慈谿 柯振嶽 霽青

讀後漢書宦者傳

西漢之亡由外戚冀不為莽宦者績齧臂盟心主眷深同日五侯勢莫敵口銜天憲手太阿開門立戶族類多未到盈庭混馬鹿惡聞荆棘埋銅駝張常侍是吾父兒無父兮兒何怙趙常侍是吾母兒無母兮兒誰乳王公將帥等諸孫蕃武膺滂敢弟昆殺之錮之談笑道多少忠臣淚暗吞黃巾突起君為餌通賊近在常侍喋血宮門罪貫盈一

朝斬刈無遺類螢火熒熒赴北芒涼州兵入日無光回看

蘭雪集

卷一 下

一 藏修齋

四百年宗廟禾黍秋風空斷腸吁嗟乎聖世豈能無宦者宦者孰令亡天下安居但疑朋黨真禍迫乃知腹心假唐宋而還任更隆歎息桓靈前後同何以絕之親君子若輩不可使有功

明太祖曰內臣但備使令母多人御之之道當使畏法勿令有功有功則驕恣矣

讀三國志

青虹入殿赤符熄分裂河山號三國丈夫濟世患無才有才失身堪太息當日關東起義兵只有孫曹足抗衡堅也橫死策天折荊州一隅困鬪爭阿瞞河洛經營早袁呂紛如落葉埽唾手神區旦夕閒吁嗟昭烈依人老龍蟠鳳逸盡飛揚不謁曹公願莫償號令情知非出帝虛名謬喜附



勤王就中最是荀文若帷幄運籌王佐略爲漢不忠魏亦  
疑白首子房竟焉託天下英雄惟使君地無尺土孰爲羣  
武侯眼自高四海卓識吾還愛趙雲將軍帝室之裔胃國  
賊曹操權可宥大義昭然日月光俯視餘子真鳥獸縱使  
偏安阻益州漢家正統繫炎劉順逆不論論成敗今古人  
材貉一邱

自題小照

此今日之吾也而後日爲故吾故吾今吾有異無林麓優  
游歲易徂他年白髮何以對此圖慎哉訥齋毋自疏

題松石小影

踏雪尋梅圖

蘭雪集

卷一下

二

藏修齋

丰神飄飄如欲仙誰其當之孟浩然浩然千載無同調今  
日圖成羨後賢青山突兀橫天半石上蒼松放直幹紛紛  
白雪下晴空飛入梅花吹不散梅花白雪兩徘徊溪轉橋  
通境忽開笑指林亭下驢背溪橋小立思悠哉吾聞天下  
名山四天台風景最奇異千里空懷天姥峯多少遊情在  
夢中松石歸自天台道畫圖毋乃與之同翻憶尋春春未  
得落木蕭蕭無終極此時踏破嶺頭雲此時萬物無顏色  
眼前徧地散瓊瑤看盡梅花春意饒梅花有香雪有韻石  
不爛兮松不彫松耶石耶長如此相親相近我與爾清風  
過處雪滿林數點梅花天地心



采茶歌

采茶女結伴攜筐筥纔出柴門半里餘便覺春光濃如許  
桃紅李白亂于麻多少韶華浪滾沙穀雨前後惠風暢又  
見山山謝豹花采花須采花初放采茶須采茶初芽茶初  
芽花初放有情無情情莫狀溪山幽處少人行三五縱橫  
坐相向小姑年十三采茶戲采藍大姑年十六終朝不盈  
躬南山唳鳩北山鶯道是無情如有情人生倡和會有在  
春風得意爭先鳴君不見陌上桑羅敷長歌拒趙王又不  
見江南蓮西子尋芳泛綵船龍團雀舌山中事春來春去  
自年年

蘭雪集

卷一下

三

藏修齋

西湖篇

蓬萊官在海中央借句五色雲起羣真翔空傳弱水三千遠  
不及西湖十里長西湖襟帶臨安郭清景分明自天作一  
草一木皆含香況乃名公開祕鑰虹橋飛跨兩隄連樓閣  
參差倚半天馬蹏乘興忘遠近不知忽上雲山巔俯看水  
面清如鏡鏡中一一山倒縣湖心亭裏歌聲起湖心亭外  
繫遊船清風嫋嫋吹不絕迴如鶴背來管絃織歌未畢白  
雲散一望紅蓮閒白蓮扁舟欵乃烟無際疑無疑有蓬萊  
仙蓬萊仙子亦何有五柳居前沽美酒新菱嫩藕滿盤堆  
持盃自勸不釋手中流蕩漿采芙蓉餘霞散亂繞前後天



香何處忽吹來金沙桂花開已久卽今秋日尚如斯何況  
春光澹蕩時鶯囀細柳翻新語草綠遙岑展黛睂天桃千  
樹飛紅雨紛紛點碎碧琉璃此日烟花無與比此生不到  
空繫思豈知白公未賞識湖山埋沒無人知嗚呼世事浮  
雲改今昔廢興千百載自唐迄宋迄元明文采風流復誰  
在三賢祠畔草縱橫于岳墳前鳥慘鳴青山白骨無終極  
古柏蕭蕭落日情孤山深處一徘徊只見孤山不見梅美  
人黃土亦已矣半閒老人何爲哉三春歌舞出層巒五夜  
銀燈沸碧瀾越女吳娃鬪蟋蟀贏輸直欲賭臨安歌臺舞  
榭荒烟宿一盞寒泉咽空谷富貴繁華轉眼非回憶葛翁  
蘭雪集

卷一下

四 藏齋

升早熟葛翁丰韻邈難攀翠壁丹厓一望閒秦皇漢武爾  
何爲年年日斷三神山

讀楚辭

歲旣晏兮北風寒行吟澤畔衣裳單公子遙遙隔雲端別  
何容易見何難六百商於六里山嶂函一去幾時還秦人  
歌舞楚人歎不許孤臣怨子蘭陽臺雲雨來姍姍朝朝暮  
暮未曾閒美女滿堂博笑歡咳唾珠玉落九天熒熒子影  
徒自憐心思公子未敢言沅湘無波江流安桂舟欲渡愁  
翻瀾鴟鳩先鳴百草殘四方何所吝周旋高陽苗裔義難  
捐夢魂恓恍故都前鋪糟啜醢非不然寧爲玉碎毋瓦全



悲歌慷慨從彭咸汨羅江水至今寒

關山月

和松石韻

關山月缺復團圓圓復缺團圓非得缺非失人生會合終須別妾爲貞婦君義夫月明莫聽鶉曉血

附松石原韻

關山月幾夜團圓幾夜缺團圓不關人得失傷心莫甚生離別傷心但愁明月出月上東山淚如血

長相思

和松石韻

長別離長相思君行何時今何時君思妾兮妾不知春折柳條柳如絲秋攀桂樹桂幾枝姮娥終不改歸來自有時

蘭雪集

卷一下

五

藏修齋

附松石原韻

長別離長相思一日腸迴十二時君非棄妾妾自知松柏許我附兔絲不見亭亭松柏枝歲寒縱有守封侯及壯時

烏生八九子

爲某作

有烏有烏終夜哀呼衆皆集于苑已獨集于枯力不能捋茶智不能蓄租而口已卒瘡求稻梁兮則無志高舉兮何路泣明月兮形孤烏乎烏乎母忘爾之遠圖

有感

澄川失志久客賦此寄之

渺渺兮離憂秋復秋兮歲周蹇芙蓉兮江渚采杜若兮芳



洲芬菲菲兮盈袖思公子兮道阻修他鄉豈樂土兮誰使  
君兮淹留聿帝鄉之縹緲兮雖未至其神馳令風伯爲前  
導兮雲師左右其維持駕赤蚪以上征兮覽八荒而小之  
雷填填以震雷兮歷中道而自疑退息駕旣怨遙兮進又  
河漢之多歧豈天上之鵲橋兮事恍惚而莫知何今日之  
天孫兮竟會合之遲遲捐予珮兮漢東解予驂兮塞北願  
兩美兮殷勤白不貞兮變黑不吾諧其亦已矣孰旣離而  
求卽邈故道其依然兮羌迴蹤而惶惑春燕去不畱兮秋  
鴻遠舉而振翼悵蟋蟀之宵征兮對月明而唧唧唧唧兮  
何極露降兮風亟薄寒兮中人七襄兮誰織思公子兮未

蘭雪集

卷一下

六

藏修齋

歸望關山兮愴惻往不諫兮來可追時不難兮再得

招魂

松石客死永嘉

魂何往乎母不見死子兮妻不見死夫魂歸來兮化山海  
爲坦途長夜漫漫白日徂青楓瑟瑟聞嗷烏魂兮魂兮天  
道有知無

在畦用梁山舟文石歌韻勉學兼及世情之險次答  
聞過必改善必服繩墨難欺直與曲長歌一篇經百讀世  
故人情思爛熟他山之石可攻玉推君之心寘予腹才非  
吳蒙勞刮目一暴十寒忍自斲憶昔過庭嚴約束言行頻  
教詩禮育禍福無端倚且伏惟無瑕者人受戮雲路高高



鴻漸陸起家經術懷王肅七年病求三年畜詞華可獵非  
所欲到今名實兩無屬春秋風雨盈空谷君憂林莽潛虺  
蝮虺蝮何因食人肉思患預防得畏縮石能生我疾滋毒

規曉漁壘前韻

誦堯之言服堯服逢人輒便談經曲豈知讀書如未讀五  
穀反輸萹稗熟君家昆友號金玉雨麓視君等心腹萬里  
雲程頻拭目靈根莫向糟邱斲人生志豈貧能束歷盡諸  
艱德乃育不爲雄飛爲雌伏疚心何必在刑戮况復風波  
起自陸劍甲森森兵氣肅於菟擬作文狸畜逐逐那得勝  
其欲昔賢擇交意有屬喬木遷時出幽谷前無荆棘後無  
蘭雪集

卷一 下

七 藏修齋

蝮虎氣上騰飛食肉君今縱能自反縮毋言今後莫予毒

寄孫梅垞

時清再疊前韻

丈夫磊落羞儒服氣瀉黃河流九曲我獨胡爲抱經讀夢  
酣忘却黃梁熟孫郎風彩皎如玉誰識雄心憂負腹舉頭  
天外舒遠目浮雲無根手欲斲壯年猶受繩尺束謂宜神  
駿登天育櫪下翻教騏驥伏秋風動地草殄戮太行超越  
如平陸天生我才必振肅經濟文章當早畜得時則駕誰  
不欲學優羣望乃專屬古人虛懷虛若谷卽令蓬累鄰蛇  
蝮明珠豈肯彈飛肉眼前何事較羸縮不見良醫索雞毒  
董雨香將赴都門悲怙恃早失偕伯仲作望雲圖見



意

小宛勗征邁明發懷二人其聲悽以楚詩義重天倫一堂  
聚首尚如此況乃馳驅千萬里遊蹤寫就無多墨生我劬  
勞天罔極可憐白日沈虞淵可憐白雲黯無色弟兄南北  
各分飛欲別未別情依依且向山頭須臾立回頭咫尺是  
庭闈昔賢親在缺孝養屺岵頻登深想像君今風木繞長  
途白雲更逐帝鄉上嗟余戍戍賦言旋父兄遠隔十四年  
晨昏定省隨陽鳥天倫之樂何有焉邇來隻影猶匏繫無  
忝所生誰共厲擬從遠道步芳塵雁行縹緲排雲際

王君偉才六十初度

蘭室集

卷一下

八

藏修齋

士不廊廟卽山林蒼松翠竹皆古心閒中甲子非易得況  
乃天倫樂更深向平瀟灑出塵表清興終須婚嫁了今君  
膝下竝乘龍添得霞觴祝壽考消受風光六十年漁溪古  
奧景天然石磯枕水仿嚴瀨子陵何必非神仙少壯曾聞  
角騎射豪氣凌雲未肯下鄉里多少不平事君面斥之無  
稍借憶余下榻未與申高爽如逢古逸民夾溪山色涵虛  
碧一徑桃花不染塵鶯嘯夏木攜壺往片雲處處晴天養  
山桃未落楊梅熟爾時清福曾同賞卽今秋日照芙蓉待  
曉樓前喜氣重頤養無勞甘谷水菊樽自進酒千鍾當筵  
酣戰如風發伏波將軍何矍鑠始知山水是良緣除却家



庭無至樂

八月十五夜卽景

望月佇中秋無月卽空雨如何皎皎光忽受浮雲侮我欲  
飛身廣寒宮吐氣散作萬里風一掃浮雲還曠蕩長令萬  
戶歡樂同廣寒仙子有真宰望前望後何曾改晦朔非缺  
望非盈肉眼紛紛徒鄙猥姮娥終古在廣寒百年而後孰  
憑欄回憶去年如昨日無月何妨作月看

淮陰釣臺

天地大絃雲飛揚雷霆焚槐楚漢張韓侯手把一竿釣淮  
陰空對水湯湯漂母憐飢屢進食千金豈責王孫償丈夫

蘭雪集

卷一下

九

藏修齋

起則爲侯王破齊滅楚勢莫當殺鍾離昧拒蒯徹赤心那  
料良弓藏世祖量包天地外富春隱遁有嚴光隆準猜嫌  
烏喙侶豈容世有太公望縱令學道不矜伐蕭何囚繫非  
披猖嚴光不仕侯不隱兩處釣臺墮渺茫嗚呼臣主本魚  
水功高孰謂身必亡天生豪傑爲時用成功者退理則常  
君不見扁舟宛在水中溯洄從之道阻長

豐城劍

寶劍鑄自區冶子天地百靈供驅使龍身暫藏非偶然虎  
氣上騰敢偏視何來拂拭雷與張芙蓉始出水溢塘五夜  
匣吟泣鬼魅六月銜寒飛雪霜楚王一揮卻晉鄭張公倒



持授梟獍宰割曾無寸鐵功禮貌空誇珠玉盛雙龍飛入  
延平津不爲人用乃神至今歲旱作霖雨歎昔豐城委  
路塵

牡丹歌

暮春春暮花零亂風聲雨聲過大半今日董君索我歌  
眼鼠姑霞彩煥不誇魏紫與姚黃問名直稱百花王百花  
對此盡寒儉天地爲汝增文章濂溪老子富貴目人謂至  
言吾不服隱逸清高各有空花盡如斯母乃局古來勳業  
蓋代人人世繁華萃一身金相玉質天然異林下風清非  
所珍况聞武壘最無狀華林斥令先時放紛紛紅紫爭獻  
蘭雪集  
卷一  
下  
十  
藏修齋  
妍落落丰標獨相抗洛陽一謫幾千秋公子王孫汗漫游  
但知穠豔無雙品豈識剛腸第一流剛腸無意求人識撐  
起韶華日五色縱教風雨夜來狂元氣淋漓埋不得我非  
老眼忽相逢瓊島分移意萬重高華合讓仙家擅俗手胭  
脂畫未工

續牡丹歌

春信怱怱三月半開到牡丹春欲斷世上紛紛富貴誇花  
神不受汝判斷我昨縱筆作長歌一朝踢翻前人窠客有  
高論更破俗中有真宰耿不磨兩閒物理數難悉榮落從  
來且暮疾芳信頻經廿四番韶光無過九十日老梅早占



一時魁紅杏欣逢及第回幽蘭君子爭作佩桃李風前笑  
口開當時次第絢文采今日綠蕪復誰在豫畱全力殿三  
春始識花王冠千載君不見往古志士與忠臣未遭鼎革  
孰見真流俗才華平日擅末路英雄得幾人吾聞此言心  
震悚歲寒松柏同珍重國色一任浪標榜瓊島本無塵凡  
種太白才高號謫仙一枝貌得貴妃妍豈知勁骨挽春暮  
不向君王乞笑憐

題張萼樓十二梧桐小影

門不必栽五柳居不必倚七松書卷撐腸鬱莫發筆端幻  
出青梧桐梧桐數之得十二位置天然景特異誰歎盤薄  
蘭雪集 卷一下 十一 藏修齋

坐其閒隻身而外皆蒼翠一樹直上摩雲霄一樹橫空陰  
綺寮又或百尺半生死雷奔雪激老不彫鬱結輪囷難具  
狀高人碩士森相向爾時先生美少年指點梧桐是變相  
鳳翔千仞集高岡凡鳥斂翼敢頤頰生平自命文中鳳朝  
陽鳴盛擬歸昌不然裁作清廟瑟朱絃疏越音無匹不然  
巖尾屈爲琴寶貴猶堪後人述到今江海客如何二鄉晚  
景日婆娑氣骨空畱俠和尚菁華竟老病頭陀我披此圖  
發長嘯胡弗改寫桐江釣先生得失兩無心手拈桐葉題  
張笑萼樓向有江海客俠和尚等影瘋後號  
病頭陀又號二鄉叟近復自著張笑傳

禽言



姑惡姑惡姑何若婦何若婦克孝兮姑可格謝爾孝婦貽  
令名千秋萬世呼姑惡

行不得哥哥閉門守拙其樂如何人心平地起風波江湖  
闊蛟龍多行不得哥哥

不如歸去衰親可慮一餐莫侍五鼎何豫無論不逮存遠  
存日已遠風燭草霜誰告語客行雖樂不如歸去

得過且過寒號愁鎖記得盛夏時鳳皇不如我毛羽未豐  
霜雪深薄有文章莫許可

伯勞伯勞地厚天高熒熒履霜兒罪焉逃父爲兒殺母兒  
乃爲惡梟歷山哺母鳩啾嘈此心誰訴長哀號

蘭雪集

卷一下

十一

藏修齋

泥滑滑泥滑滑止君行君勿察前途十人仆者八二人未  
仆身埃坻泥滑滑泥滑滑縱使迴車勞洗刷

提壺盧提壺盧醒多壘碗醉則無當筵不飲吾負吾仗劍  
軍門狂酒徒笑爾儒冠非丈夫

歸昌歸昌于彼朝陽但言文采異祥瑞亦尋常竄逐鷗鴉  
鷺鶴將一鳴再鳴報君王樂府扶掖歌未央翻身却向丹

山藏

題董生養和

秉恬

自鏡小影

曲江唐室之偉人名耀竹帛千載新照鏡猶自憐形影況  
乃青雲志未伸董生念此神常肅不遣韶華駒隙速翩翩



年少爾為誰鏡裏廬山真面目欲憑面目認廬山白頭老  
子昔紅顏鯤鵬變化應須早故我今我轉瞬聞鑑貌孰與  
鑑心愈靈臺蒙垢功難補聖賢往矣法戒垂鑑心不如更  
鑑古古心古貌兩相符一片清光貯玉壺晨昏對照情何  
似當前莫負鏡中吾

祝袁檢齋先生與配蔣孺人七十

名作繯兮利作鎖不名不利無一可能入其中出其中鴻  
案齊眉見真我檢齋先生幼零丁椿萱早萎彫紫荆大父  
衰顏愁髮白寡嫂血淚枯燈青慨然長嘯東行李弱冠隻  
身遊萬里吳頭楚尾路茫茫辛苦備嘗家日起此時高浪

蘭雪集

卷一下

十三

藏修齋

駕蓬萊乘風誰肯中流迴先生笑與同儕別扁舟早賦歸  
去來三徑未荒饒松菊手栽蘭桂添芬馥傳經不羨金滿  
贏有子能文擬張鷟林下優游二十春箇中清福更誰倫  
今朝海屋籌銜鶴借老堂中慶七旬七旬借老信非偶古  
誼紛紛徧人口孤有所養老有終先生嘗出千金給魏甥  
養葬戚黨之無後者  
感黨幽明兩不負從此期頤錫大年孫曾鵲起凌雲烟借  
問世閒名利客孰似先生樂事全

題胡晉齋

興印譜

學古不精不如止一入堂奧勢難已秦漢而還字學亡惟  
有印章記涯涘今日晉齋索題詞却憶邵郎令麗水夜半



忽聞剝啄聲姜生正學呼起起夢中驚疑霹靂符不然山  
賊生荆杞二者既非生且歸生云事急且莫俟披衣出見  
呈印章爲公製得狂欲喜我觀斯事浮大白古來名下無  
虛士甘苦止許寸心知入妙特若鬼神啓窮通得喪兩空  
空一生快意此而已晉齋屏斥爛銅文語能見道超乎技  
自稱寢食歲月深詭隨流俗吾不爾此詣豈獨印姜生旭  
書僚九皆如是

晉齋贈西溟先生手卷喜賦

今之西溟古東坡千金未抵隻字多妙手臨摹射厚利況  
乃絕筆走蛟鼉晉齋素抱鑒古識感遇時聞扣角歌得此  
蘭雪集

卷一下

十四

藏修齋

應向朱門賣寄贈寒窗意謂何兩閒寶物鬼神護精氣不

隨金石磨聚于有力守亦爾姜家蘭亭今屬他

湛園未定稿跋家藏

唐石蘭亭序云此石之流傳真千餘年物也吾子孫當善藏之

作者子孫莫能保我後焉

辭珊瑚羅荷君高誼致足樂得喪須臾駒隙過詩罷長吟  
浮大白起看明月橫銀河



